

**Kwangali Heart Book**  
*Cell phone format*

# MUTJIMA GO MUNTU



## COPYRIGHT

ISBN 0 - 908367 - 58 - 9

E-MAIL: [info@anqp.co.za](mailto:info@anqp.co.za)  
ALL NATIONS GOSPEL PUBLISHERS  
P.O. BOX 2191, PRETORIA, 0001, R.S.A.

(A Gospel Literature Mission financed by donations)  
(Reg. No. 1961/001798/08)

## MUTJIMA GO MUNTU

### NTEMBELI ZAKARUNGA NDI SIRUGANENO SA SATANA (1 Joh. 3:4-10)

Etjangwa eli kapisi epe. Konyima zomalima masere gavali lyahorokere muhowo mo Frankryk, lya reterere hena mayovi gomanzi etungiko. Mosiruwo sina ngali rugana ngwendi ntarero zopampepo omo vantu ava vhuru kulimona yipara yawo yopampepo. Vantu wovanzi ava vamwene nomutjima dawo dourunde omu va ditjanga momafo, va litezwilire noku sanseka nonzo dawo nomononda dawo vatambwire mwenyo gomupe nompepo zompe.

Nsene to resa mokabuke aka tovhuru kudiva asi yiko ntarero omu novhuru kulimona nyamoge. Nsene asi ove omupagani ndi omukriste gahaha ehuguvaro, ndi omukirste wapura ndi omuzumbani, omu o limono ngamomu aku mono Karunga. "Morwa muntu kumona eyiaga mono meho, nye Hompa kumona momutjima." (1 Samw. 16:7). Karunga ku tumona nga moomu twafana.

Satana yige guhyamapempa, hompa gomu mundema yige hena karunga gouzuni ou. Age ku lisintunuka ngwendi muengeli gouzera, nani nye

age kapisi muengeli gouzera, ngamomu vantu vamwe ava gazara asi nage mupongoki, nye efano lyendi omu va mufaneka omu gakara awo kwali nyenga. Nga moomu mouzuni wanare mwakere vapostoli (vazuvisi) woyimpempa nantantani moveli hena varugani woyipempa ava lininki asi vapostoli va Kristusa. Nye sitetu pa tupu, morwa yeeyi na satana mwene kulisintunuka ngwendi muengeli gouzera. 2 Vakoli. 11:13,14. Yimo atu resa asi Satana karunga kouzuni ou, ogu gawiza momagazaro gava vahana ehuguvaro yipo va dire kumona eharo lya Karunga, nouzera nepayimo lyendi, awo vadire kumona umanguruki wa Jesus Kristusa. 2 Vakoli. 4:4. Vantu ava, ga twiza karunga gouzuni ou nkara dawo kapi vana diva asi monzira zoku va twara mezumbano lyanarunye vadive asi ngava kavhumbukira mekurundiro lyanarunye. Vana fu kwa Karunga pampepo yiyo vana limburukwa konompepo da karunga gouzuni ogu a vapangere. Vaefeso 2:1.

Munwa Karunga yiyo ga horokera aya hanagure po yirugana ya Satana 1 Joh. 3:8. Yipo nye, limburukweni kwa Karunga, nyokeni Satana yipo a muduke. Hedeni kwa Karunga nage taheda kweni. Jak. 4:7,8. Nsene toresa mokabuke aka

ove o gazadare mafano, tomono yikara yomutjima goge omu wakara. Pulisira Karunga a konakone mutjima goge yipo o mone omu gwafana. Nsene ono limono asi mutjima goge mudona gwazura nonzo waha li dimangeda ndi asi o horeke, titityo!, pura tupu ove o sanseke nonzo doge. Ose nsene tu tanta asi ose kutupu nonzo, tatu likumbagere nyamwetu, u kare usili nawo mutupu mwetu. Nye nsene tu sanseka nonzo detu, age mulimburukwi age hena muhungami; ta dongonona po nonzo detu a tu kuhwe mayipayiko getu nagenye. Ano nsene tu tanta asi, ose kapi twa zona rumwe, tatu mono Karunga yipemba nononkango dendi si mutupu mwetu. 1 Joh. 1:8-10. Yipo nye lisupipika konhi zo kuwoko kononkondo da Karunga age a ku dongwenenepo nonzo doge age aku kuhwe no honde za Jesus Kristusa.

Muntu ku mupangera Karunga ndi Satana; Ove omupika gononzo ndi murugani gwa Karunga. Nsene nonzo adi kupangere, waha lidimangeda nye, zigida Karunga hansa omu hundire a kumangurure morwa Jesus Kristusa ogu ga wiza kuya parura vananzo mouzuni ou, kuya pahukisa meho gatwika noku tu gusa mo momundema, no kuyagusa mo mundema mwetu, age kwa wiza

aya tu retere uzena wendi wokutetukisa. Jesus kwa wiza aya tu mangurure ose kononkondo dononzo na Satana. Mwendi ose twa manguruka mo mononzo detu. Ove ono sikama kosipara sa Karunga gomupongoki ogu a mono yihorekwa nayinye yo momutjima goge, noyihorekwa yomomagazaro neyi o rugana gayidiva. Karunga kapi to vhuru kumuhorokera yirugana yoge. Mutapeki gomatwi adire nye kuzuvha ndi? Ndi muungi gomeho a dire kumona? (Mapi. 94:9). Metho ga Hompa ku mona evhu mudima yipo ahorore nonkondo dendi mokupopera. 2 Histoli 16:9. Munerago googu vadongwenena po mayipayiko gendi no nonzo dendi vadi kudumika. Munerago muntu ogu ava dili kuvarwira Hompa kononzo dendi, ogu gahana yipemba. Mapi 32:2. Resa hena Mapi. 51. Jesus nayina kuna ku zigida asi wizeni kwange namuvenye one ava wa rorora udigu niya mu pwizumukise. Mat. 11:28.

# 1. MUTJIMA GO MURUNDE



Efano eli ta lihorora mutjima gomupagani nogu  
gomurunde gomouzuni, mugara ndi mukadi ogu

gapira kulimburukwa kwa Karunga nye yomouzuni kuyi limburukwa kedowo lyopa unsitwe. Yiwo ukaro wendi ou a mono Karunga nawa nawa momutjima gwendi. Meho ogo go kugeha gazura mahodi yigo gana kulikida unkorwe wendi. Resa Yisewe 23:29-32. Yilye ogu a takuma, yilye ogu a ligana, yilye gonompata, wooo ava zuhwara povhinyu, ava wiza mokuya makera. Waha tara movhinyu omu zina gehe neyi gana kumoneka nawa monkinda, noku hwilira kwago ko ureru; moruhulilira tagahumu ngwendi ezoka noku fiza mazeze gouhungu ngwendi sizava, meho goge ku tara yininke namopeke, nokana taka uyunga yininke yahana kuhungama.

Konhi zo mutwe tomono mutjima go muntu omu muna kara yikorama peke-peke eyi yina kulikida urunde womuntu. Momutjima yimo membo lyononzo detu. Karunga ta tanta asi: Yilye gokuvhura kukwata egano mutjima gomuntu? Kutupu yapeke eyi ya pitakana po moyipempa, gwavera unene, kuna pumbwa kuveruka. Jer. 17:9. Hompa Jesus ga uyungire asi; Yeeyi monda monomutjima dovantu kupwaga mo magazaro gomadona, noruhonda, nowidi, nedipago, netezo nonkwara, nomakumwinina, noufeke, nepiyagano, nomfudu, neswau,

noyirundo, nougova, udonia mudima ou ku tunda  
monda zomuntu awo hena kunyateka muntu.  
Maruk. 7:21-23.



## 1. POU

Sidira sokuhova yiso pou. Sidira esi siwa unene  
nohuki daso mawa namavara gaso mawa. Sidira  
esi kuna kuhorora nzo zelinenepeko. Lucifer,  
muengeli gokugwavekwa ogu gakere nare  
gouzera wa Karunga pomuhowo, elinenepoko  
lyamutulisa nzo yiyo gakara munyengi gwa  
Karunga, Jes. 14:9-17; Hesekiyeli 28:12-17.  
Satana muengeli gomomundema kapisi gouzera  
hena.

Elinenepeko kuli horora nomarupe peke-peke.  
Vantu vamwe kwa kara nountu morwa maugawo  
gawo gonongombe, nononzwi, nomambo,  
nomapya, noyidwara yawo yondiro yipara,  
nomarutu gawo aga ava likangangere morwa

kupira nomuga. Vamwe ku karera rudi rwawo asi morwa yeeyi valironga unene, ntani morwa nonkondo dawo neyi ava rugana, noruvara rwawo nayimwe hena yagoso eyi ayi vazumbanesa. Vamwe ku kambadara kuliwapeka moku lidwareka maurenga peke naapeke, ngamoomu, nongorodo pomawoko, notuvera momatwi, no tulinga ko nonyara no yikwawo yoyinzi, ku lihwika nontuni, no nomusita moyipara noku lisatagura morutu, morwa elinenepeko lyawo. Mokulinenepeka kwawo tava divara asi Karunga kwatu unga mokuzura. Karunga kwa nyenga valinenepeki, nye valinunupiki age kuvafira nkenda. 1 Pet 5:5. Karunga kwa nyenga elinenepeko nelitumbo, nononzira donondona nononkango doyipempa. Yisewe 8:13. Elinenepeko kureta ehanauko, ano elitumbo kureta epunduko. Yisewe 16:18.



## 2. MBWA

Mbwa kuna kusingonona ukaro wopasintu, ngwendi ruhonda nokudovaukira mukada mukweni nokulihara mugara nomugara. Mbwa nkenye oku azi zi ku kalinyateka. Vantu wovanzi yimo vafana nawa nawa. NKenye oku ava zi kukahondera nokuheha vakadi. Ruhonda norukehe rozanyi runa vhuka ntantani, momazuva aga goku hulilira gana zura mazedo. Vadinkantu kapi vana kuli didimika, novakwali no vafisavayawo no vadike navenye kuna kurungana ruhonda. Nzo zomo Sodomu naGomora zina vhuka unene monomvhura mayovi gavali gakapita omu ga yiuyungire Jesus nomomazuva aga gokuhulilira yimo yina fana. VaZulu no VaSutu nonomuhoko dimwe, muntu goruhonda awo ku mutumbura asi mbwa. Muntu gwa ngesi mosirongo semeguru kapi tazi mo nampili nakauke. Nye ponze, kwa kara po nombwa, nava woumpure nohondedi novarudipagi novakareli wovakarunga woyimpempa nava navenye ava va hara yipempa yiyo ava yi sikisa mo ngava kara ponze zositata. Ehororo 22:15. Nyokeni ruhonda, nkenye nzo peke ezi a zono muntu, kwa linapa norutu, nye ogu a hondere, kuzonagura rutu rwamwene. Ndi kapi mwa diva asi marutu geni nontembeli doMpepo

zoKupongoka, ezi ga mu pa Karunga? One hena kapi mwa liweka nyamweni? One kwa mu randa ndiro. Ano omu yererepekesse Karunga komarutu geni. 1 Vako. 3:16-18; 6:15-20.



### 3. SINGURU

Singuru kuna kulikida nzo zounkorwe nomakurulya. Singuru kulya nkenye eyi sina gwana. Kapi sapongora uwa noudona. Yondova ndi yokupira ndova aso kulya. Ngamoomu vantu wovanzi ava li yikorama yoku lifira neyi yokufa nkumatere. Awo kulya honde nonompuku, eyi ga tusilika Karunga asi nokuyilya si. Yirugana 15:20; Jes. 66:3-7. Awo yiwo hena ava twikire kunyateka marutu gawo momakurulya, no kufenza, nokukoka makanya ndi epangwe, tayi nyateke nokugava uhungu mohonde nosipara tasi yipa. Satana tava mangeremo mokumbongora makanya nokunwa. Nonkondo da

Karunga delike adi vhuru kuditura mugara ndi mukadi moukaro wa ngesi woudona.

Vantu, nampili vadinkantu novakurona awo kurwa kwelike nomarovhu gomundevere ndi kasipembe. Nye nkorwe kapi ngazi kapinga untungi wa Karunga. Marovhu kapisi yikulya, nokanunusi. Marovhu yikunwa yokudipaga noku yipika nondunge, magazaro, navenye ava ava nu magova tupu, kwa kara ngororo mougova wawo, kulidipaga kwelike vakerera noku rugana yininke yoyidona eyi ngava dili kurugana nare. Kunwa unene taku ku ninki mukavauki nomugova. Kukara nkorwi ugova unene. Yisewe 20:1. Moveta za Moses mugara nsene ana kara nomunona goupote goulimbantu a dili kulimburukwa kovakurona vendi va mu dipage nomamanya. Deut. 21:18-21. Vahali womarovhu vananzo, novarandesi novanwi womarovhu. Nkango za Karunga kuna kutanta asi: One ava mwa kara mapenda gokuliguka makende govhinyu, kwa mu finga. One kutupu ko woma, nsene tomu dungu yikorwesa. Jes. 5:22. Ono pu kupangura mehandu lyoge lyenene ove kwa swaura, yiyo wa fisa nomuga vamaparambo woge ove kwa va ninkisa va pundauke ngwendi vava asi kuna korwa.

Habakuku 2:15. Ndi kapi mwa diva asi ava va hana kuhungama, kapi ngava pinga Untungi wa Karunga? Vantu wokupuka vanaruhonda ndi vakereli wovakarunga peke ndi vatezi wononkwara nava wokulirara-rara vagara novagara ndi vawidi ndi vanaruho nononkorwe novamahaka kapi ngava pinga Untungi waKarunga. 1 Vakolinte. 6:9-10.

Yirugana yorutu yalihorora, ayo yiyo eyi; ruhonda, norukehe rozanyi nokudira kukuhuka nokukerera vakarunga woyimpempa noumpure nounkore nonomutangu nesupa noumbudi nomaligaunuko motumbunga nomonombunga. Tani murondora asi ava ava rugana eyi kapi ngava kapinga Untungi waKarunga. Vagarata 5:19-21. Walye omu nu mukorwe neyisi nayizonagura ukaro weni mudima. Nye one omu zure Mpepo zoKupongoko. Vaefeso 5:18. Jesus yige runone romwenyo ta tanta asi; Nsene pweli ogu ana fu enota, a wize kwange a ya nwe. Joh. 7:37-38. Ani komu wiza namuvenye ava muna fu enota - mema gaga, nogu ana pili yimaliva a wize, a ya rande rukokotwa a ya lye. Nhi, wiza yorande vhinyu nomasini - ayo kapi to yiranda yuma. Eyi muna kuhepekera kuranda yimaliva yeni ayi dili kumukutika nani yinke? Neyi omu randere azo

nzara haza mu kerera nani yinke? Purakeneni nawa kwange, one musikisemo eyi nina ku mutantera makura ngomu djobwane nondya nadinye donongwa. Jes. 55:1-2.



#### 4. SINZOGORO

Sikasama esi kugenda kuliwora, kuna kulikida nzo zoudwa, mokupira kugenderera, kulimburukwa, nokuruganesa urodi. Kurunda mutwe nzo ngwendi zezanekedo. 1 Samwere 15:23. Mugara goudwa ogu a nyoka kurugana ku lidipaga mwene, kwendi kuvaka kwa pitakana kurugana, ano widi ku kutwaredesa kokudipaga. Yisewe 21:25-26. Udwa koyininke ya Karunga kutu silika ku kanderera, nokuresa Bibeli, kuza ko ngereka. Udwa kutusilika kuresa nonkango da Karunga omu mwa kara mwenyo gwanarunye. Udwa nayimwesi aureta, awo yiwo ekero lyo widi ou au tu twara kezonauko. Karunga nsene a kuuyungisa, naina omupe mwenyo goge,

makura Satana taku tantere asi mugura nalyo ezuva, ndindira tanko siruwo sosiwa. Nye siruwo oso kapi ngasi wiza. Ove makura to fu wahana Karunga, ezowoko naKristusa. Karunga ta tanta asi: Nsene ta tuzuvhu ezwi lyendi naina walye omu rundu nomutwe deni. Vahebeli 3:7-8.

Sikora sosinzogoro yiso ava ruganesa vayimbanda, sikora esi kuhorora uhurukutu woku huguvara simpa, nourodi, nokuroga, noku litahesa. Ehuguvaro lyomwa Karunga mutupu. Mevega lyo kuzigida Karunga munamwenyo mosiruwo so udigu ndi souvera, vantu kuhuguvara vayimbanda, nonondandani, yihwa, nomamanya nonombinga, nayimwe yopeke eyi ava ruganesa vayimbanda yahana mwenyo. Awo kapi ava huguvara hena muungi gwawo no muparuli gwawo. Karunga kwa tanterere valsrael asi: Nokusiga si murodi a kare nomwenyo. Exodus 22:18. Kapsi va kugwane kumwe nogu atahesa simpa nogu ana kutahesa yokomeho nogu ana kutura umbanda nourodi nogu ana kutahesa simpu. Morwa nkenye ogu ana ku rugana eyi sidira kwa Karunga. Deut. 18:10-12. Walye omu zi kovantu ava ava hara egwanekero kumwe nonompepo dovafe. Yangoso,

nsene ngomu yirugana tomu nyata pampo. Ame nyame Hompa Karunga gweni. Exodus 19:31. Nsene gumwe tazi kovantu ava va hara egwanekero kumwe nonompepo dovafe, ame ngani di muvyuka. Muntu gwangoso nokumugazarera si hena asi nage gomombunga zange. Omu kare vapongoki, yeeyi asi ame nyame Hompa Karunga gweni. Exodus 20:6-7. Jesus Kristusa yige a vhuru kuverura pampepo, rutu nomwenyo, yige a huru a vhuru ku dongonona po mayipayiko getu nagenye nogu avhuru ku verura uvera wetu mudima. Mapi. 103:1-3. Nsene pweli gumwe mweni ana kuvera, azigide vakurona wombungakriste va mukanderere makura tava mugwaveke magadi medina lyaHompa. Ekanderero lyemepuro kuparura muntu gokuvera: Hompa ta muverura, age hena nampili nonzo ga tura, nado tava di mudongwenene po. Omu litongwenene-tongwenene mausima geni, oku tomu likanderere ntani muveruka. Jak. 5:14-16.

Siruwo esi ono kuresa kabuke aka. Karunga kuna ku kuuyungisa o litezurure o ligave kwendi. Nye mpepo zosinzogoro ozo zina kara momutjima goge yizo zina ku kuwowotera asi: wahagenderera, wahali gava naina tanko

mungura ndi tanko sivike oso sina ku wiza, ndi nampili komumvho ogo, siruwo simpe posili ntani ngoli gava, ndi pomuhowo pura yoge ndi mukadoge ndi oguho, ove hena tanko kwara. Ove ngoso kuna kupurakena Satana kapisi kwa Karunga. Mokurugana ngoso kuna kukutika mutjima goge ngwendi sikora sosinzogoro.



## 5. NGWE

Ngwe yiso sikasama sougara wounzi. Apa tasi horora ukaro woudona, esandu, magazaro gomadona gonkoko, aga gakara momutjima gomuntu. Nkenye ogu gakara nehandu nesandu momutjima gwendi, kurugana yininke yoyidona, ku tuka nokufinga nokudipaga. Mpepo ezi zondona narunye kuwiza momuntu nsene ta nu marovhu ndi ta nu kasipembe, eyi muntu pokunwa kapi ali pangere. Mavaya gomanzi kuka nwa tanko ga liguse woma ntani gana kupanga kurwa, ndi kurugana yongandi eyi aga gazara.

Vhinyu zaho uhungu womazoka, ano uhungu woudigu ngwendi wombaroka. Deut. 32:33. (kutunda metoroko lyo bibeli zoNKJV). Kurugwida kuwoko komunanzo kwendi yiwa, nye Karunga yige a rugwida kuwoko. Jesus asi hareni vanankore veni. Karunga ngali wapayikira mo kutudongwenena po nonzo detu nsene tu dongwenena po vakwetu.



## 6. EZOKA

Ezoka yilyo lya kotokerere Adam na Eva mosikunino sa Eden, mokugusa po ukwawo wa Karunga nomuntu. Satana kwa kere nomfudu zonene eyi gamwene Karunga asi ana hara mugara nomukadi; morwa asi yezi Karunga kwa vapere epangero va pangere evhu age ga hana kulipa Lucifer ali pangere. Morwa mfudu zendu nesupa lyendi Satana yipo gapaparere nondunge doku va tulisa nzo, nondunge edi ga paparere mwendi mwene nongwa unene, yeeyi asi

nondunge do kudonganesa po ukwawo, nelikwatakano eli lyakere pokatji ka Karunga novantu vendi. Mfudu, zokufana ngesi zakara monomutjima dovantu kupapara kuzonagura ehafo nepemburo eli ali kara monomutjima do vantu vamwe. Mfudu zangesi momutjima goge ku kazonagura ruhafo neharo moku kara koge. VaKriste va vangare, mpepo ezi za satana. Mfudu kureta magazaro gomadona momutjima goge, to hara kuroga mukweni nokumu yida-yidira ehudi dogoro tomu dipaga. Esupa pokatji komugara nomukadi ku yipika embo lyawo nalinye mudima. Rusumo 8:6. (kutunda metoroko lyo bibeli zo NKJV).



## 7. EFUMA

Efuma kulya yepevhу, apa kuna kulikida nzo zomfudu neharo lyoyimaliva nedowo lyokudowokera emona, yilyo ntundiliro

zomaudona nagenye 1 Tim. 6:10. Mafuma gamwe gokoKongo gadivikwa omu aga li uhwa masere no masere dogoro taga tauka. Muntu gomakurulya ugu kugava yuma kovasigona noko nohepwere, age ku kambadara kwelike kulipongayikira emona lyouzuni ou nonondunge peke na peke donongwa, eli ngali ka likana kouhwa nonkerewe. Hompa Jesus mwene kwa tente asi; mwaha pongayika emona kontunda zevhu oku ali likana kouhwa nokonkerewe noko vawidi wokububagura monzugo vali vake. Yeeyi oku kwa kara emona lyoge yiko kooko kwa kara mutjima goge. Mat. 6:19-21. Agan nembo lyendi nalinje kwa hanaukire po morwa eharo lyosiliveli nomamanya gombeyo noyidwara yoyiwa unene. Joswa. 7. Judasa Isikalyoto murongwa gwa Jesus ga lipondere morwa eharo lyoyimaliva lya muhwililire makura ta gombeke Hompa gwendi. Mat. 27:3-5.




## 8. SATANA

Yige guhya mapempa. Yige a tuzedagwire tuzone, age hena mupangeli gonomutjima detu. Jesus kwa tente asi: One mwaguhyeni muzonaguli mwa tunda ano madowo ga guhyeni yigo mwa hara kukwama. Age mudipagi kutunda kevareko. Kapi gakara mousili, yeeyi usili mwendi mutupu. Age apa a uyunga yipemba yamwene a uyunga morwa age munayipemba, age hena guhyayo. Joh. 8:44.



## 9. MBUNGURURU

Mbungururu kuna ku singonona ezwi lyokomutjima gwa nkenye muntu. Kuzimona zina sovagana zina yipa, morwa nonzo, yirugana yoyidona, yipo nye asi kapi ta zivhuru kurugana yirugana yazo yoyiwa. Vaheb. 10:22.



## 10. EHO

Eho lya Karunga ku mona nayinye eyi ya kara momutjima gomuntu. Kutupu esi sa horama keho lya Karunga, yiyo a vhulire kumona nokudiva magazaro gokonhinki gomutjima goge. Yirugana yoge yoyidona nampili oyi ruganene momundema gwabwi, ndi momusitu gompato, ndi mekero lyere, Karunga nayinye tayi mono.



## 11. MUENGELI

Muengeli kuna kulikida nonkango da Karunga. Hompa kuna hara a huyungise kwava va pukisa awo hena kuna ku takuma konomudigo dawo dononzo, yipo asi vatudeko kono nzira dawo donodona ano site sa Karunga si vatemene

monomutjima dawo. Karunga kuna ku kuuyungisa nove ono kuresa kabuke aka.



## 12. NKUTJI

Nkutji yiso sinogweneso so Mpepo mupongoki, Mpepo ezi azi horora usili wa Karunga, kuhamena nzo, yinke uhunga ntani hena epanguro lya Karunga (Joh 15:26). Mpepo zokupongoka apa pozili ponze zomutjima gomuntu. Mpepo zoKupongoka kapi azi kara apa azi pangere nzo.




### 13. MARAKA GO MUNDIRO GO MANUNU

Tumaraka to mundiro otu tuna kundurukida mutjima gomunanzo, kuna kulikida eharo lya Karunga. Nampili nga moomu ganyenga Karunga nonzo, Karunga kwa hara muntu unene, ngonomfa domunanzo kapi adi muhafesa age narunye kundindira asi munanzo ngano a wize kwendi age kuna ku lira ko unzoni wendi ana hara a paruke. (2 Pet 3:9). Hompa Jesus kwa wiza aya pe erago wononzo. Meguru ku kara mo ehafo lyenene nsene munanzo gumwe ana litezurura. (Ruk 15:7). Karunga ana hara mutjima goge agu kuhwe nohonde za Munwendi gempogwe Jesus Kristusa. Karaka komundiro kuna kulikida nako honde za Jesus Kristusa nzwi za Karunga ezi azi gusa po nonzo douzuni. (Joh 1:29). Eharo lya Karunga lina hara ku yahwilira

mo momutjima ogu gwafa. Jesus kuna sikama pevero lyo mutjima goge oku ta ngongora. Nkenye ogu a zuvh u ezwi lyendi nye ta zegurura, makura tani hwilire mo ni kalye nendi age nage a lye name. (Ehor 3:20).

Copyright ANGP

## 2. MUTJIMA TA GU LI PANGURA, AGO TA GU LI GAVA



Efano eli kuna kulikida mutjima guna kulitezurura ogu guna ku papara Karunga. Muengeli kuna kwaterere rufuro, yiro nonkango da Karunga, yeeyi nonkango da Karunga kwakara nomwenyo nononkondo, ado kwa twepa da pitakana rufuro ronomemo mbali. Ado kuhwilira tadi hangura mwenyo kompepo nonongongo, domuhoko-hoko. Ado hena kupangura matedo noyigazo yokomutjima. (Vaheb. 4:12). Moomu va pangera vantu asi va fe rumwe tupu ntani lina kukwama ko epanguro. (Vaheb. 9:27). Evango lyo vananzo nava wokudira kupura ekurudiva lyokutwera mundiro, nokamanya komundiro. (Ehor 21:8).

Kokuwoko kukwawo komuengeli kuna kwaterere sikora somutwe. Aso tasi diworokesa munanzo asi ose natuvenye ngatu fa. Marutu getu aga twa huguvara aga atu dwareke nokurera noku ru takamesa nawa, rutu oru aru fu taruworo. Maginyo taga ka woresa, nye mwenyo nompepo tayi kahoroka kospundi sombangwiliro sa Karunga. Apa tatu mono munanzo ta purakene kononkango da Karunga dekorangedo ana zegurura mutjima gwendi keharo lya Karunga. Mpepo zoKupongoka zina tameke ku minikira momutjima go musovagani gononzo. Uzera wa

Karunga kuna kupayima montembeli zendi nokutjida mo mundema. Sinene tupu uzera wa Karunga uwiza mo, mundema nago makura tagu dongonoka mo. Upyu weharo lya Karunga ta upyapyareke mutjima gomutenda. Nonzo dina va tumbwire doyikasama noyikorama ta yiduka mo nayinye.

Ove munanzo, pulisira Jesus a hwilire momutjima goge yeeyi yige uzera wouzuni, mundema noyirugana yomomundema yipo yisige mutjima goge ngwendi moomu ono kumona pefano. Hompa Jesus ta tanta asi: Nyame uzera wouzuni.

Ogu a kwama nge, kapi a gendi momundema, nye nga kara nouzera womwenyo. (Joh. 8:12). Ehudi unene kwava va hara mundema kuitakana uzera. Jesus apa ga hwililire montembeli zomoJerusalema kwa tjidire tjidiremo varandi novarandes i navenye wonongombe nononzwi, nononkutji, noyitafura yovasinti woyimaliva noyipundi yovarandes i wonomputukuwa tayi gandanga ta tanta asi: Kwatjanga va tjanga asi "Nzugo zange ava zi tumbure asi nzugo zokukandererera. Ano one yiyo muna zipaka zi kare sipwapwa sovamahaka." (Mat. 21:13-17). Nzugo ezi mutjima goge, Hompa Jesus kapi

gawiza moku ya tuzowora kononzo detu kwelike hawe, kwa wiza aya tu diture noku tu zowora mononkondo da Satana. "Nsene a muzowora Muna, makura tomu zowokerere." (Joh 8:36).

Copyright ANGP

### 3. MUTJIMA GWA ZURA RUHODI, A GU LI- VERE



Efano eli tali tu likida ku kara komutjima go mulitezuruli gouhunga, ogu ana kumona unzi wononzo dendi nadinye doku mutjilisa edi da ninkisire Hompa Jesus vamupampare kosivindakano. Mutjima gwendi guna tauka poku mutantera muengeli, sivindakano, nononkango da Karunga. Age ana mono eharo lya Karunga omu ana muhowere eharo lyendi lyenene eli ga muhara Jesus Kristusa, eharo eli lina hemuna mutjima gwendi pokudiva asi Jesus Kristusa muna Karunga kwa wiza mokuya gusa po nonzo edi damuvhukililire neyi gakere neharo lyo kumufira kosivindakano kositji sefingo, pevango lyendi. Mwina va mutoonene nonongora noku mudwareka nkata zomega noku mupampara nombohwa komawoko nokonompadi dendi makura tava mutura posilivindakano morwa nonzo detu. Eyi ono kuresa nonkango da Karunga omu ono kulimona nyamoge ngwendi ntarero to yadimburura momunene omu watundako kwa Karunga noku pira kulimburukwa koyipango yendi, makura tayi ku tu komutjima tokara noruguwo kwato mbili, makura to gava mutjima goge kwendi noruhondi nokulivera, makura Jesus ta hedere pepi nove. Eharo nombili za Karunga tayi hwilire momutjima gwendi po kudiworoka asi honde za munwendi Jesus Kristusa tazi

vhuru ku kuhwa nonzo detu mudima. (Joh. 1:7). Ogu apura mwa Hompa Jesus kapi ta fu, nye ta kara nomwenyo gwanarunye. (Resa 1 Vako. 6:10-11). Mwa Kristusa yimo twa zowokera morwa honde zendii, makura nonzo detu yiyo va di dongonona po. (Vae feso 1:7). Mwendi ntantani muna kara Mpepo zompe, eharo lyokuhara youzuni mwendi mutupu mo, lya Karunga lyelike lina kara mo. Azo tazi zwida mutjima gwendi neharo lya Karunga, nonzo dendi tadi tundumo dikare ponze zo mutjima, nampili satana ngomu aliwora ku tundamo mevega lyendi lyanare, ta gendi nokusetuka-setuka nokuhuguvara asi ngaka tengwiramo. Hompa Jesus yiyo ga turondwere asi tu vangare ose tu kanderere, turwise Satana age atunde po pwetu.

#### 4. VAKUVAMBERA PAMWE NA KRISTUS



4

Efano eli kuna kusingonona muKriste ogu gagwana mbili zouhuga nezowoko lyanarunye

kupitira monomfa da Hompa gвету Jesus Kristusa, ogu a dili kulifumadekera yapeke yahana asi silivindakano sa Hompa gвету Jesus Kristusa selike, esi sa ninkisa uzuni u fe kombinga zange, name ni fe kombinga zouzuni (Vagar 6:14). Kristusa kwa simba nonzo detu morutu rwendi kosilivindakano, tu fe kombinga zononzo, tukerere uhungami. One yironda yendi yamuverura (1 Pet. 2:24). Omu sige Mpepo za Karunga zi mu pitisire, mu dire kusikisamo madowo gopaunsitwe, Nsene asi Mpepo za tupa mwenyo gomupe, azi tu pitisire nye moukaro wetu (Vagar 5:16,25). Nahena omu kondjere kukara nombili na navenye ukaro weni upongoke, yeeyi nsene yipira po, nokukamona si Hompa. (Vaheb. 12:14).

Mefano eli tatu monomo ngundi oku va mumangerererere Hompa Jesus, apa vamu hutwire yidwara yendi, nongora ozo vamu sepwisire, morwa ehandu yige va li kandwilire asi ose tu gwane mbili ano moyironda yendi yimo twa gwana ukangure. (Jes. 53:5). Hompa Herodesa novantu vendi kwamu sensere, napa vamene ku mutoona tava mu dwareke sikoverero sosigeha, nonkata zomega tava zi muhwikire ko mutwe gwendi, mevega lyoku mutura nkata zongorodo.

Mevango lyokumupa mpango zouhompa awo tava mupe ruhu ko kuwoko kwendi asi yizo mpango, makura tava mutwire nongoro vamu sense asi: Moroka Hompa go vaJuda. Eyi vamana ngoso makura tava mu fizire mazeze tava mu gusa ruhu mokuwoko kwendi vamusepwise ko. Eyi vamene ku muswaura ngoso makura tava mutwara vakamupampare kosilivindakano.

Koveli vakriste wovanzi ava zi kongereka vaka kanderere nokukalya murarero gwa Hompa nokudimba marusumo go kuhamberera Karunga, nye nani awo narunye kumupamparera Jesus ko silivindakano morwa yirugana yawo. Kapsi nkenye ogu a tantere nge asi, Hompa, Hompa yige nga za moUntungi weguru. Mat. 7:21-27.

Mefano ta tumono hena ndjato zo yimaliva ezi ga gombekesere Judasa Hompa Jesus amu randese yimaliva nomurongo ntatu morwa eharo lyo yimaliva yakwete mwenyo gwendi ayo hena ya twizire meho gendi. Vakwayita kwa kere nonomini nonoramba nomalyenge apa vaya kwete Hompa Jesus. Vakwayita kwali gaverere yikoverero yendi pukuyininkira fungu-fungu (Mapi. 22:18).

Vakwayita vamutwire egonga morupatji makura tamu tundu mema nohonde. Joh. 19:33-37. Sikondomboro aso simpe kapi sina zigi Petrusa age nare ana mupatana Hompa Jesus, nye moruhura ga liverere unene. Ove kusanseka Hompa Jesus mononkango nomoyirugana yoge ndi? Ndi ove kufa nomuga kutantera vantu eyi gaku ruganena Hompa Jesus Age kwa tente asi: Nkenye ogu a tongonona nge komeho zovantu, name ngani ka mu tongonona komeho zoTate vemeguru Mat. 10:32-33.

Hompa Jesus kwa tantere hena asi: Ogu a dili kudamuna sivindakano sendi a kwame nge kapi ga wapera kukara gwange. Mat. 10:38. Verago vava va gwana egameno Memanya eli Jesus Kristusa.

Emanya lyanarunye

Ove wa hepera nge

Nahara oparure nge

Mema no honde zoge

Yikuhwe nge yizerese nge

Nimone moge eparu

## 5. YIGO NTEMBELI ZA KARUNGA



5

Efano eli tali likida mutjima go munanzo gwazera to, ogu zaparura nkenda za Karunga.

Ntaantani ana kara nye ntembeli za Karunga zokupongoka nzugo za Karunga guhwe, Muna, noMpepo zoKupongoka, nga moomu ga turekerere Jesus Kristusa asi: Nsene muntu gahara nge, nga sikisa mo nonkango dange, ano tate nage yige nga hara, makura nga tu wize kwendi tu ya tunge nendi. John 14:23. Karunga kukandura vanankondo koyipundi yawo, yiyo ga zerura vasigona. Ruk. 1:52.

Mutjima kuna kulikida ntembeli za Karunga. Nonzo vana ditjidamo. Mevango omu yakere yikorama yomarudi peke napeke eyi ngapangere Satana guhya yipemba, tatu mono Mpepo zoKupongoka, zakara momutjima.

Mutjima gwa kere go mudona ngagu ruganene younsitwe, ntantani guna ninki epya ndi sitji sosiwa asi yimi enyango lyo Mpepo, ngamoomu eharo, ehafo, mbili, ezaverero, ukwawo, unungo, udameki, umwe, kulididimika noyikwawo hena eyi ya wapa ko sipara sa Karunga noko vantu. Age ntantani ana ninki mutayi govhinyu gomuzuni gwa Hompa gwetu Jesus Kristusa. Ehoramo lyoku yima yiyimwa yo kukara mwa Kristusa, nononkango dendi mwelike. Joh. 15:1-10. Ana kara nonkondo do kupangera rutu nedowo lyayo nokuyipamparera kosilivndakano.

Mpepo zokupongoka tazi mupe nonkondo dokugenda pa Mpepo kapisi kugenda paunsitwe. Age kapi a kara hena mweyi yina kumoneka ndi yezi ana kuzuva hawe, age ku kara mehuguvaro. Yeeyi asi ehuguvaro lyo kufunda uzuni kutunda mehuguvaro lyo kuhuguvara Jesus Kristusa ogu ga funda uzuni. Joh. 5:4. Age ntantani ana kara nepuro lina koro, lina kara nomwenyo, lina ku mukoreka mendindiro lyo kundindira ewizo kwa Hompa Jesus Kristusa apa nga wiza. Age kuparuka meharo lya Karunga lyanarunye eli ali kererere narunye.

Verago vava wonomutjima da kuhuka yeeyi ngava kamona Karunga Mat. 5:8. Hompa Ndafita nampili nga momu gakere nougawo wounzi, nokufunda vana nkore vendi, ga divire asi yita yoyinene yopampepo kuna kugusa evango: Karunga ungira nge mutjima go muzera, ove o penge mpepo zokuhungama. (kutunda metoroko lyobibeli zo NKJV Mapisa. 51:10). Kutupu ogu avhuru ku kuhwa mutjima gwendi ndi ali ungire mutjima gomuzera. Muntu kuvhuru kuza kwa Karunga nelitezururo lyouhunga nokuzuvhira ruguwo nonzo dendi noku disiga, ngamoomu ga ninkire hompa Ndafita, ntani nga moomu ga ninkire mumati gazire mezumbano ga

tengwire kwa guhwe nousigona aya likwambere a tante asi: Tate ame nazona meguru noku kweni. Karunga ta tambura nkenye ogu a wiza kwendi nelitezururo lyosili, yeeyi Karunga yimo gatu tumbwidira: Ame ngani mupa mutjima gomupe nomagazaro gomape. Ngani mu gusa nomutjima deni dononkukutu ngwendi emanya, tani mupe nomutjima dokulimburukwa. Mweni ngani tura mo mpepo zange ngani tare asi tomu kwama noveta musikise mo nompangera nadinye edi na mu pa. Hesek. 36:25-27. Eli yilyo egwanekero lyepe lya Karunga gatu pa kuitira mohonde za munwendi Jesus Kristusa.

Mefano eli ta tumono hena muengeli ana horoka. Muengeli gwendi kupopera ava ava tjira Hompa, makura ta va yoworora mo mosimpagwa. Mapi. 34:7;91:11; Dani 6:22; Mat 2:13; 13:39; 18:10; Yirugana 5:19; 12:7-10.

Satana nage pweli gogo ana sikama popepi nomutjima, ngwendi a engwire momutjima, merunda lyendi omu gakere nare. Yipo vana kumurondwera asi tu pahuke nokukanderera, yeeyi asi Satana kuna kugendagura ngwendi nyime gokunuga a papare ogu nalipapagwira. 1 Pet. 5:8. Rorunzi satana kulipirura a fane

ngwendi muengeli gouzera yipo a zede munwa Karunga ogu gadira ku kotoka, mo yininke youzuni yimo a kotokerere vahorowora. Nyokeni Satana, makura age ta musuwuruka. Jakopo 4:7.

Copyright ANGP

## 6. MUTJIMA GWA REMBUKA, ADO MBALI



6

Apa efano eli tali likida mutjima guna kuli gava ko mazedo. Eho limwe kuna ku ferera, kuna ku

tu diworokesa asi mukriste ogu ana tameke ku tunda moyikara yendi yompepo, ana tameke kumia. Eho ekwawo kuna ku vema-vema lina hara uzuni, nonomugasi. Uzera kuna kudima mo momutjima gwendi, neyi ga litumbwidilire Karunga yina rumbwangere. Mazedo gana mukundurukida oku ta ligava nakauke-nakauke dogoro taga mufundu. Moruveze roku purakena Karunga ezwi lyendi tali pirura ruveze rokupurakena ewowoto lyomazedo nomapingido gahana mutombo gomuzedi. Nampili age kuza kongereka simpe kusikura youzuni, eharo lya Karunga mwendi lyapumo. Ana kara no nomutjima mbali kapi hena ana kara nosinka, tarenda-renda nouzuni nye ana fana ngwendi haga harera Karunga. Mbungururu ezi zakere momutjima gwendi kuna kudima nosilivindakano tasi simbi noudigu. Ehuguvaro lyendi lina dompo, kapi hena ana kukanderera kwa Karunga, age kuna sigire muzedi evango.

Mpepo zosidira Pou zokulinenepeka zina tameke kumona mpito zo kuza mwendi. Ana divara nare asi kwa muparura morwankenda zaKarunga. Unkorwi kuna kungongora pevero tau papara mpito zo kuza mwendi. Nampo ngandi na muzigida vakanwe, kankindagona kamwe tupu,

ndi pamwe ta mutantere asi sikundu soruru, tumema toku ligusa enota. Age no kudivasi asi marovhu ndi sikundu sovakondi kwa fana gwendi mbura zaka hwilira, momukuro goruhanzo. Ndi mukadi ta randere yendi ndi nayisive zendii. Age mwene tali popere asi kapi anu, nye nani ta yengwerere vakwawo noku vatwara mezome nye mpepo zounkorwe nage tazi mukotokere. Ruhonda noyihora tayi muhetekete moukriste wendi nomatwi gayo goheli. Kutunda apa ta tameke kupurakena nehafo matuka nomaruuyungo gonomuga. Ta vareke uholi novantu wovadona kuza vakadane ndanisa. Mpamwe kweli gumwe na mutantera ndanisa zovakriste yizo zongwa nsene vagara novakadi tava dana kumwe, kudana ngwendi wokomambo yiko kokudona. Kapi a gazara asi maudano nagenye kureta ruhonda. Udano wovakriste wapitakana udonna naunye.

Kukoka makanya kovakriste kwa pitakana kwava wokomambo moudona, morwa ogu a koko makanya age masiku nomutenya kukoka kwelike. Jesus kapi gakokere makanya, ndi mukriste ana kukwama Hompa Jesus a rugane ngoso.

Satana ta ku tantare asi kudana noudona kutupu simpagwa. Kuzona rumwe ndi ruvali ndi

kurugana ruhonda rumwe tupu kutupu simpagwa. Yimo namuronga ogu mpepo zodona dogoro a hwilire momutjima ogu gomuzera makura daguweke. Mugara ogu ono kumona apa ana kutwa mutjima no rufuro kuna tanta vaswauli novanyengi awo nyoka yaKarunga. Mutjima go mukriste kugu twa noku gutoona nombore nomaraka gawo gondino neswau lyo konomurungu dawo. Yimo ngesi ava homona nomutjima dovakriste dogoro tadi hoyauka. Makura nsene vana muhoyagura ta tameke kutjira vantu, Karunga kapi hena ta mutetuka. Nomokutetuka vantu kapi hena ta ruganene Karunga, awe ta ninki nye mupika govantu go ku rugana nayinye eyi vana ku mutantera. Ehandu neguwo tayi horoka ezuva lyoudigu, mayinye ta yihwilire momutjima. Ezoka lyomfudu eli ali sikameke mutwe gwalyo nsene lina mono vantu vamwe tava ragopa tali kuhwilire siporepore nsene olipa karuvezegona, ntani tali retamo moge nyengo novantu.

Eharo lyo yimaliva tali wiza noureru mwetu monomutiima detu nsene tu dira ku purakena kononkango da Hompa ghetu Jesus, eyi ana ku tanta asi: Vangareni oku tomu kanderere mudire kugwira meheteko. Mat. 26:41.

Humateni yirwiso nayinye eyi a mupe Karunga,  
asi mu vhure kukondjesa komakoto goumbudi  
gomuzonaguli Vefes. 6:11-18.

Copyright ANGP

## 7. MUTJIMA GWA TENGURA, AGO MUKUKUTU



Efano eli kuna kulikida ukaro wogu ga rugura monyima, kwa kere ana pukuruka nawa, ngazuvhu utovara wouhwi wemeguru, nage ga tambwire Mpepo Mupongoki nye ntantani ganyoka. Efano eli kuna kulikida hena muntu ogu gadira kulitezurura nawa, ogu gadira kuligava kwa Karunga, age nampili kwa pukurukire kevangeli lyouhunga ko nonkedi peke na peke. Muntu go usuntu nampili Karunga amu uyungise ta kara ngorooro nonompata morwa age kapi ta vhuru kuli wapeka mwene.

Ukaro womuruguli monyima Hompa Jesus yimo ngesi ga tanta asi: Mpepo zondona nsene zina tundu momuntu kuza merondo lyahana mema zika rendarende, nokuli paparera evango lyokupwizumukira, nsene kapi zina gwna tazi ninki asi: tani tengwire membo omu na kere nare. Ano nsene zi wizamo ziya gwane embo valikomba vali wapeka tazi zi zikahare nompepo nonkwawo hambombali dazura udon makura tadi ya tungumo, mo kuhulilira komuntu ogu ta donapa unene kupitakana pomuhowo. Ruk 11:24-27. "Sisewe sahugama esi asi tanta asi: Mbwa kurugwira yirusi yaso silye nosinguru nampili vasi kuhwe tasi zi sikali garumune hena metata." 2 Pet. 2:22.

Ruha oru rwetjangwa taru likida ukaro womutjima gomunanzo ogu ga tengura monyima ndi gogu gahana kuyavara. Udonwa tengwira momutjima uya tunge mo nokupangera ukaro naunye. Dogoro no sipara sendi tasi lipirura ukaro wo mutjima gwendi. Mpepo zoKupongoka nkutji zongwa kuna kuzi sininika zisige mutjima, yeeyi asi udonwa noMpepo zoKupongoka kapi ayi kara pevega limwe. Yeeyi asi mutjima kapi tagu vhuru kukara hena ntembeli za Karunga nye ago evega lyaSatana. Muengeli, nononkango da Karunga kuna kutunda mo noruhodi nye kuna kusetuka ko asi nampo muruguli monyima nafana ngwendi gogwina mumati ga zumbanene gaka tengwire, ga tente asi, tani sikama nize kwa tate nika va tantere asi, tate ame nazona ku kweni nemeguru ame mwaha tara nge hena asi nimunweni awe tareninge ngwendi nimupika gweni Ruk. 15:16-20. Guhwe ga gusire muna ogu gaka litezwilire sili nezaverero. Nye mefano eli mutupu sidimbwiliso selitezururo lyosili, motupu etenguro lyo kurugwira kwa Karunga mutupu, kulikwata mepindi lya Jesusa awe mwato. Elizuvho lyendi lya tanta ngwendi sivera soupyu Makura yiyo ga mwene ko. Matwi kogeli nye kapi aga zuvhu ezwi lya Hompa Jesus apa a muhengayike. Meho kogeli, nye ezo lyokuza

moheli lya muzahamena kapi ali mono. Nomuga da mutunda eyi ga kakatera moudona, satana gamu hwilira yige a pangere mutjima gwendi, gahingira zengu ngwendi hompa kosipundi souhompa. Ta sivhulika hena muntu gwa ngesi kulikanganga asi age muwa age munongo hena age asi ku ruganena Karunga, nani nye kwafana ngo ntoko vawapeka kontunda zazo monda mombu yigorogogo yovafe, nouworedi nkenye ou. Mat. 23:27.

Guhya yipemba ga tunga mevango lyo Mpepo zouhunga. Nkenye sinamwenyo na nkenye udon satana ndi mpepo zodona nga yipa ogu ga yatunga mo mutjima. Nampili a hare kuligusa moyo yina kuhepeka mpepo zend ayo kapi tayi musigi kuna ku mukakatera ngororo. Ogu na taguruka mpango za Mosesa afe vahana kumuzaverera, nsene podili nondipo mbali ndi ntatu. Omu muna kugazara ngapi? Epanguro lyokuhura kupi, eli nga gwana ogu ga sensa munwa Karunga, a dine honde zegwanekero ezi va mu kuhwisa oku ta swaura Mpepo zoNkenda? Vaheb. 10:29-31 na 2 Pet. 2:1-14.

Nsene yimo wafana ngesi ngamoomu lyafana eli efano, muresi muharwa, kovekeda ku kuga Karunga monda zo mutjima goge. Age kuparura

owo ava pitire mwendi po kuza kwa Karunga. Age kwa hara kudongonona po nonzo nadinye nsene to wiza kwendi nompepo zo ku litezurura sili. Age kuvhuru kumanga satana nombunga zendii makura tava tjida-tjida mo momutjima goge, sinene tupu omu tantera asi mangururange. Wiza kwendi nga momu ga wizire munayingondwe kwendi, a tante asi: "Ove sinene opanga, nda! to verura nge" Hompa Jesus ta mulimburura asi: nina hara, kanguka. Maruk. 1:40-43. Ano nsene o twikira ku kukutika mutjima goge nomundema yido wahara unene uzero, kuna ku tanta asi nagumwesi na kuvatera morwa kwa hara nomfa kapisi mwenyo. Yeeyi asi mfuto zononzo nomfa. Varoma 6:23.

## 8. EZUNBANO LYO MURUDE




Apa tatu mono sihwu somunanzo ogu ana tengura  
monyima age kuna kuheda konomfa, rutu rwendi

kuna kukora unene mutjima gwendi woma welike wonomfa. Nomfa (yoyo yisupa) dina wiza hararasi po siruwo so sidona. Ruhafou rouzuni runa haya po. Nye nani yosili, mfuto zoudona ndigu kapi azi vanda, ani yizo tupu kumoneka. Runyando romo heli nare runa vareke kumu gwana. Nampili asi a kare neharo lyo ku kanderera, ana mono mwene nare asi undambo wa Karunga ou nga danesa kapi hena ta kara nawo. Vakaume kendi woma-woma kuwiza ko uro wendi, nonkango dawo edi ngava muhengayikisa kutupu mutompo kapi tadi mu vatere hena. Emona lyendi kapi ta li repesa eparu nampili kuzowora mwenyo, ndi liparure mwenyo gwendi, ndi nampili ngano limuguseko nye woma mo mwenyo gwendi nye no. Age poruveze oru nampili a gazare ya Karunga, satana kapi ta mupe hena ruveze ro kuyirugana. Nayinye eyi gahere eyi nga kondjere yina fana ngwendi kuna ku musensa nogu ga mu pitisire kapi ta mukwasa hena. Tatameke nye ku diva asi ntantani ehudi lyenene lyokugwira momawoko ga Karunga gomunamwenyo Vaheb. 10:31. Age kwa gazarere asi tanko nga gwane siruwo ntani nga uyunga na Karunga amu tantere udonawendi, paapa nga mona asi ta hara kufa ntani nye asi nga mona ruveze, nye ntantani ta mono

asi ruveze kutupu ko yoku rugana ngomu ga gazarere. Vantu wovanzi kufa hararasi, kutupu ruveze ro kupapara Karunga po kufa. Sosiwa papara Karunga ruveze oru ana kumoneka. Munanzo pokufa ngano ga zuvhire nonkango da Karunga, nehengangwido nezaverero, ano age kwa nyokere nkenda neharo lya Karunga, ntantani ta zuvhu ezwi lyomupanguli gwendi asi "Tundeni po pwange one ava va fingilira mu ze mekurundiro lya narunye, eli varuganena Satana novayengeli vendi." Mat. 25:41. "Moomu va pangera vantu asi va fe rumwe tupu, ntani lina kukwama ko epanguro." Vaheb 9:27.

## 9. MUTJIMA GWA FUNDA



9

Efano eli lyo sihwi so mukriste ogu ga kra mouhuga. Mazedo nampili ngomu pukise koyiha

noyiha, age haya sikamena gwa nzi dogoro kehagero, age yiyo ga ninka mufundi mwa Jesus Kristusa. "Age kapi ga duka tupu, kuduka ko paukriste awe kwaduka ta manamo, apa nga gendi noku lididimika kapi nga zapuka korumoho ndi korulyo, meho ngaga tara mutameki nomugwanesi gepuro Jesus." Vahebeli 12:1-2.

Satana novaengeli vendi vana kundurukida mutjima no kuheteka kupukisa kanonagona ka Karunga. Elinenepeko neharo lyoyimaliva, nedowo lyoruhonda noyikwawo nayopeke. Mevango lye ngwe tatu mono po sindongili nosikungwe yeeyi asi udonia ku wiza kwetu momarupe peke-peke, kwa kukudumika nedina lyapeke. Nye mukriste ga pahuka kudimburura nampili o dware rupe rweruganeno Karunga, nampili ofane ngomuengeli gouzera, morwa yeeyi asi Nonkango daKarunga no Mpepo zousili ayi mugendesa mouhunga naunye. Poiha yoyinamwenyo pweli mugara ana kwaterere, nkinda zomarovhu ana kudana, ta heteké kuzeda mukriste moutovara wouzuni. Nye age nayimwesi gazura moukriste, yeeyi asi age kwafa kouzuni kumwe nakristusa. Muntu gwaivali mefano eli kuna kutwa mukriste norufuro. Kuna ku muuyunga momudona,

kumugamba, kukehura, kumuswaura noku musininika, kutunda ko vanyengi va Karunga nava vana kulitumbura asi awo vakriste. Age ga fa mwa nayinye eyi ava uyunga vantu; age kupakera mbili yeeyi ya Karunga yelike. Age ku likoragenda nononkango da Hompa Jesus edi asi: One vanerago, nsene vantu tava muswaura oku tava mu hepeke, tava mu uyungire yoyidona nayinye moyipempapempa tupu mwarwange. Omu hafe oku to muhamberere, yeeyi asi mfeto zeni nene unene meguru. Mat. 5:11-12.

Ukaro wetu wonzo wopasintu nomuzonaguli, ku kambandara kutu gaununa ko keharo lya Karunga. Nye age ta uyunga nehafo lyenene nehuguvaro lyakora asi: Yinke hena yokutugusa mo meharo lya Kristusa? Udigu ndi, mpwagetjima ndi maheteko, ndi erumbu, ndi nkagi, ndi simpagwa ndi rufuro romudipagi? Varoma 8:35. Hawe, mwa nayinye eyi ose tu vafundi twa pitakanena mogu ga tuhara. Varoma 8:37. Age ta sikama nosirwaneso sa Karunga nasinye momazuva go madona a funde mazedo nomaheteko nagenye morwa Jesus Kristusa ogu ga funda mazedo no maheteko nagenye, yipo nose tu funde mwarwendi nga tu gwane nkata zomwenyo.

Mbungururu zelizuvho tazi minikire nawa nokuvayima. Mutjima gwendi gwa zura epuro hena vaguzwida Mpepo Mupongoki. Muyengeli gwa Karunga pweli peguru lyendi, nkango za Karunga tazi mudiworokesa epingido lyezuni eli ngava ka gwana navenye ava funda woku dameka dogoro kehagera Ehorø 2:7,11,17,26; 3:5,12,21.

NDJATO ZOYIMALIVA ZINA ZAHAMA, kapisi mutjima gweli ke zina kutanta, tazi tanta; yimaiva yendi eyi ga gava kwa Karunga. Mokuhanagura emona lyendi lyouzuni, ta hanagwire mokukwasa nohepwé nokugava sitji-murongo no yikwawo yapeke ndi emona lyendi nalinye va liruganese mokufumadeka Karunga.

MBOROTO NO MFI tayi tanta asi ukaro womwenyo gwendi wa wapa wa kuhuka. Age kapi ali nyateke ndi noyikunwa yoyikorwesa ndi kulya nyama zokufa nkumatere nohonde. Age kapi a hanagura yimaliva yendi ndi kapi a nyateke rutu rwendi (oru rwakara Ntembeli zaKarunga) nokunwa si makanya ndi mutji go kuzonagura nondunge nayimwe yoku fana ngesi: Age kulya tupu yikulya yoyiwa yokumuparura. Mutjima gwendi gwa ninka nzugo zoku kanderera, age nkenye apa kuza kongereka noku linunupika

moyiruwo peke na peke. Age kwa hara ekanderero lyomo ngereka ndi lyemembo ndi lyo monzugo zendi zoku rara, yezi age ga yidiva asi mukriste kapi avhuru kukura nsene kapi ana ku uyunga na Karunga mo makanderero, awe ngomomu mfi nsene kapi zina kara mo mema kapi tazi paruka.

**BUKE ZOKU KUNDUMUKA** tazi tanta asi Bibeli etjangwa lya mu zengukire no kuli resa, nkenye ezuva kuli kona-kona a gwane ukonentu nononkondo, mwenyo nouzera, yimo a gwana ugawo au dili kupwa. Etjangwa kuna kulikida ramba zomonzira zendi negonga lyo kufundisa vanyengi vendi. Yilyo mboroto zendi zopampepo za nkenye ezuva zo mwenyo gwendi, no mema goku kumwisa enota lyendi, nontarero omu ali tarere. Gahara kusimba silivindakano sendi, yeeyi gayidiva asi kapi ngaka gwana mfuto nsene sipira po silivindakano. Nga moomu ga diva asi kwamu pampara kumwe na Kristusa yiyo va vhumbuka kumwe nendi ta gendi moukaro woupe, ta papara yemeguru a yidili kumoneka. Age ana lirongikinda kugwanekera na Karunga gwendi ana fana ngwendi sitji vatapeka kontere domema, asi yimi enyango po siruwo sosiwa (Mapi. 1:3): **ngwendi mutayi gwene-gwene**

govhinyu. Kapi ga kara nowoma wonomfa, morwa  
eharo lyouhunga lya Karunga, eli ga gwana  
moMpepo zoKupongaka za zwida mutjima  
gwendi.

Copyright ANGP

# 10. UNTUNGI NORUYIGA OMU AGU ZI

## MWENHYO



10

Gwaha mu pwaga. Huguvareni Karunga oku hena mu huguvare nge ame. Mwa Tate kwa kara mo mauturo gomanzi. Ngano kapisi yimo, ngano nayi mu tantera yeeyi ame kuna kuza ni ka mu wapayikire uturo. Apa ngani za nye, ni ka mane kumuwapayikira evega, yipo ngani ka tengura niya mu simburure, none ngomu ka kare oku na kara. Joh 14:1-3. "Eyi lya dira kumona echo, neyi kwadira kuzuvha kutwi, ndi mutjima asi gu yigazare yiyo ga wapayikira Karunga ava va muhara." 1 Vakoli 2:9. Kontunda zevhu kutupu ko eraka lyo muntu ali vhuru kuuyunga uwa wembo lye meguru omu mwakara embo eli vawapekera wowo woko ntunda zevhu ava gendi mo nompadi da Hompa gwetu Jesus.

Poruveze roku fa ose kumona po muengeli ndi ntumi za Karunga mefano eli lyoku hulilira. Ntumi ana lirongerere kutengwida mwenyo gomuhungami kwa Karunga. Mwenyo no Mpepo tayi tundu mo morutu rokufa, tayi tuka yize Jesus ogu ga muhere nogu ga mufililire kosilindakano. Ehafo lina mundindire, munwa Karunga, omo nazuvha nonkango donongwa da Hompa Jesus. Yaro, muntu gwange gomuwa go mudameki. Ove kwa kere omu dameki mweyi yoyi nunu, tani kupe opangere yoyinzi. Zende

mehafo lya Hompa goge. Mat. 25:21. Satana nonkondo kutupu hena, yeeyi asi: Yiwa unene kosipara sa Karunga nsene muntu gwendi gomuhungami ana fu. (Mapisa. 116:15, kutunta metoroko lyobibeli NKJV). Ame makura tani zuvhu ezwi lyemeguru lina kutantera nge asi 'Tjanga eyi asi: Vanerago vaava vana kufira kutunda apa mwa Hompa. Mpepo azo tazi limburura asi; Hawe yosili yimo. Awo tava ka pwizumuka komaudigu gawo, yeeyi yirugana yawo yoyiwa ngayi va kwama. Echoro 14:13.

Muresi go kuhara Karunga aku kwase o gave mutjima goge kogu ga kuhara, yeyi age kuna ku hundira asi: "Munange mugara ndi gomukadi penge mutjima goge, nomeho goge ga yukilire mononzira dange." (Yisewe 23:26. Kutunda metoroko lyo bibeli zo NKJV). Gava mutjima goge gokunyata kwa Jesus, age aku pe mutjima gomupe nompepo zompe monda zoge. Waha dimangeda po mutjima goge nyamoge goyipemba makura asi ohuguvare eharo lyo yineya, yeyi asi: Ugova unene ku kwama magazaro ga nyamoge. Nye ogu ana kugenda monondunge ta paruka. Yisewe 28:26.

Siga udon, kakatera uhungami. Yeeyi asi mfuto zononzo nomfa, nye uhwi wo nkenda zaKarunga yiwo mwenyo gwa narunye mwa Jesus Kristusa Hompa ghetu. Varoma 6:23. Nsene wa muhuguvara noukaro woge naunye dameka nonkango dakara nomwenyo mwa Kristusa Jesus, mehuguvaro nemeharo. 2 Timo 1:12. Yeeyi ame nadiva ogu na huguvara, nadiva asi age kwa kara nononkondo ta pungwirenge mfuto zange dogoro kezuva olyo. Litunga moupongoki wene-wene wehuguvaro, kanderera moMpepo zokupongoki, likorerera nyamoge meharo lya Karunga, meho goge ganwika Jesus, Nzira, zo Uhunga no Muenyo, asi Hompa ghetu nga tengure usimbu ngaya hare vana vendi, "Hompa gova hompa, na Karunga govakarunga." Yige gelike ti, avhuru ku mugamena mudire kupunduka noku mupaka mehafo lyosipara sevayimo lyendi, mwa hana sipo, Karunga ti ! muparuli ghetu, mwa Hompa ghetu akare nefumano ne vayimo nononkondo nepangero, dogoro narunye. Amen. Judas 24-25.

**A SPECIAL WORD FROM ANGP**  
**UN MONDE SPÉCIAL DE L'ANGP**  
**UMA PALAVRA ESPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.anqp-hb.co.za](http://www.anqp-hb.co.za) or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de [www.anqp-hb.co.za](http://www.anqp-hb.co.za) ou comme une Application "Heart of Man" sur telephones Android.

Este livro "O Coracao do Homem" e obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de [www.anqp-hb.co.za](http://www.anqp-hb.co.za) ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

**As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracteristicas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradeciamos que nos contacta- se para confirmacao do ultimo preco dos cartazes.**



**Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.**

**If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.**

**Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangélique. Votre aide sera beaucoup apprécier.**

**Si vous avez trouvé le salut en Christ ou si vous avez été bénis par notre littérature, nous vous prions de nous le faire savoir. Nous aimerais remercier Dieu avec vous et prier pour vous.**

**Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lfnguas. Vossa assistencia sera muito apreciavel.**

**Se tem encontrado a salvacao em Cristo, ou se tem sido abençoado por intermedio da nossa literatura evangelica, faça o favor de nos informar. Pois nos gostaríamos de agradecer a Deus juntamente convosco, e lembrá-lo sempre em nossas oracoes.**

**For free Gospel literature, books and tracts in over 538 languages,  
write to:**

**Pour obtenir gratuitement de la litterature evangélique, des livres et  
des traites en plus de 538 langues, ecrivez a:**

**Para obter gratuitamente a literatura evangelica, livros e folhetos em  
mais de 538 linguas diferentes escreva para:**

**[www.anqp-hb.co.za](http://www.anqp-hb.co.za)**

**[info@anqp.co.za](mailto:info@anqp.co.za)**

**ALL NATIONS GOSPEL PUBLISHERS**

**P.O. Box 2191**

**PRETORIA**

**0001**

**R.S.A.**

**A Gospel Literature Mission financed by donations**  
**Une Mission de littérature évangélique financée de**  
**dons**

**Missão de literatura Evangélica financiada por**  
**donativos**

**(Reg. No. 1961/001798/08)**

**The “HEART OF MAN” books can be viewed and downloaded  
using the following link:**

**[www.anqp-hb.co.za](http://www.anqp-hb.co.za)**